

شخطة قلم

يا شخطة القلم قديشك جريئه
تحت رحمتك كل الخليقه
حامل القلم يحسبك حساب
مابتغفي عن عينه ولا دقيقه
الشاعر ان حب يكتب كتاب
ومسك قلم ت يحاكي عشيقه
بيبقى متردد خايف ومرتاب
ينقي الحرف والكلمه الدقيقه
العريس والعروس بيكتبوا كتاب
حفل وفرح هيصه وموسيقه
وحده توقيع القلم يرفع حجاب
يوثق علاقه وبتصبح حقيقه
وذات القلم ييفرق احباب
بيصيروا المطلق و الطليقه
شخطة قلم بالحكم ترفع عذاب
تخلي اسر مظلوم تفك ضيقه
ويمكن تحكم ع بيت بخراب
ويا ما ظلمت نفوس بريئه
امضاء ريس تانائبه ناب
توقيع قلم نفوس يعطى وثيقه
قديشك يا قلم عامل اصحاب
وقديش بتكم افواه و بتفتح بواب
وبتنبش دفاتر قديمه وعتيقه
خضر خليفه